

Katittarneq avittarnerlu pillugit Kalaallit Nunaanni nalunaarutip allangortinneqarneranik nalunaarut

§ 1

Katittarneq avittarnerlu pillugit Kalaallit Nunaanni nalunaarummi nr. 578, 21. juni 1996-imeersumi, nalunaarutikkut nr. 424, 28. maj 2009-meersukkut allannguuteqartinneqartumi, makku allannguutigittinneqarput.

1. Aallaqqaasiut imatut oqaasertalerneqarpoq:

”Katittarneq avittarnerlu pillugit inatsisip Kalaallit Nunaanni atuutilersinneqarnissaa pillugu peqqussummi nr. 307, 14. maj 1993-imeersumi § 11, § 18, imm. 3 aamma § 36, imm. 2, katittarneq avittarnerlu pillugit inatsisip allannguutaata Kalaallit Nunaanni atuutilersinneqarnissaa pillugu peqqussummi nr. 197, 7. marts 2016-imeersumi § 5, katissimanerup inatsisitigut sunniutissai pillugit inatsit aamma eqqartuussiveqarneq pillugu inatsit aamma nalunaarsukkamik inooqatigiilersarneq pillugu inatsisip atorunnaarsinneqarnissaa pillugu inatsit (inuit marluk suiaaqatigiit katittarnerat) aamma katittarneq avittarnerlu pillugit inatsisip Kalaallit Nunaanni atuutilersinneqarnissaanik peqqussummi nr. 307, 14. maj 1993-imeersumi § 36, imm. 2, tak. nalunaarsukkamik inooqatigiilersarneq il.il. pillugit inatsisip allannguutaata Kalaallit Nunaanni atuutilersinneqarnissaanik peqqussummi nr. 375, 15. maj 2009-imeersumi § 5, imm. 1 naapertorlugit aalajangersarneqarpoq:”

2. § 33, imm. 2-mi “aappaasup statsamtimi najugaani imaluunniit issimaffigisaani” imaalillugu allangortinneqassaaq: “statsforvaltningimi aappaasup Danmarkimi najugaani.”

3. § 39-ip kingorna kapitali 6-imi ikkunneqassaaq:

“**§ 39 a.** Aammattaaq inuit marluk suiaaqatigiit katissimanerannut atatillugu averusernissamik imaluunniit avinnissamik akuersissut nalunaarutigineqarsinnaavoq, katinneq Kalaallit Nunaanni pisimappat aamma Kalaallit Nunaanni inatsimmut naapertuuttumik inuit marluk suiaaqatigiit katinnerat pillugu nunami inatsiseqarfimmi aappariit arlaannaalluunniit najugaqanngippat.

4. §§ 40-44 atorunnaarsinneqarput taarsiullugu ikkunneqassaaq:

§ 40. Nalunaarsukkamik inooqatigiinnerup katissimanermit allangortinnissaa pillugu qinnuteqaat kommuunimut inooqatigiilerfimmu tunniunneqassaaq. Inooqatigiilerneq Rigsombudsmandimi pisimappat qinnuteqaat Rigsombudsmandimut tunniunneqassaaq. Qinnuteqaat immersuiffissiamut Ankestyrelsemit, Familieretsafdelingimit akuerisaasumut immersorneqarsimasoq tunniunneqassaaq.

Imm. 2. Allannguinissamut piunnaasaq naammassineqarsimappat katinnermut uppersaata kommuunip imaluunniit Rigsombudsmandip suliarissavaa.

§ 41. Taamaaqataanik nalunaarsukkamik inooqatigiinnerup averusernikkut aamma avinnikkut atorunnaarsinneqarnerani kapitali 6-imi malittarisassat malinneqassapput.”

§ 2

Nalunaarut atuutilersinneqarpoq ulloq 1. april 2016.

Social- aamma Indenrigsministeriet, ulloq 15. marts 2016

KAREN ELLEMAAN

/ Malene Vestergaard